



REGIONE AUTÒNOMA DE SARDIGNA
REGIONE AUTONOMA DELLA SARDEGNA



COMUNU DE SESTU
TZITADI METROPOLITANA DE CASTEDDU

Faina de sa cida

Luegus at a essi Paschixedda, duncas, sa faina de sa cida est dedicada a custa festa:

Retàulu de su Nascimentu/Presèpiu, Maistu de su Presèpiu, 1500 prus o mancu.

Trìticu dòpiu, tèmpera asuba de tàula.

A primìtziu s'agatàt in sa crèsia de Santu Franciscu in Stampaxi ma, una borta chi dd'aiant sciuciada a s'acabu de s'Otoxentus, dd'ant trasladau in su palatzu de s'Universidadi de Casteddu, pusti in su palatzu "delle Seziate", in Casteddu de susu, e oi est allogau in sa Pinacoteca Natzionali de Casteddu, a intru de sa "Cittadella dei Musei".

Atribuiu a su Maistu de su Presèpiu, chi non scieus chini fessit e pigat su nòmini de custu traballu, chi amostat una formatzioni cadelana-valentzana cun influèntzia fiamminga, e unu stilu chi s'acostat a cussu de su Maistu de Casteddu Sardu, de Joan Figuera e Joan Barcelo (in sa Pinacoteca ddoi funt òberas de custus artistas de su '400 e '500).

Sa tàula mesana, chi est cussa chi s'interessat oi, amostat s'Adoradura de is pastoris cun sa Virgini, Santu Giusepi e su nennu Gesus subrastau de una truma de angiuledus. A is palas ddoi est sa stadda chi spratit sa scena de s'Adoradura de unu fundu cun paesàgiu.



REGIONE AUTÒNOMA DE SARDIGNA
REGIONE AUTONOMA DELLA SARDEGNA



COMUNU DE SESTU
TZITADI METROPOLITANA DE CASTEDDU

Faina de sa cida

